



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД НАДИБЕРҢА

СИ' ИВ ЯЛЯХАНА НОПОЙ' СЕРТАБИВА'

Мэбета вадава" ила' панан' етри' мэква"!

НИЯРЪЯНА

НЭРМ



№ 22 (5296)
2026 по'
май иры'
30 яля
СУББОТА

Российская Федерация Ямало-Ненецкий автономный округ



Сидяңг: Марина Ярой' тадтавы

Маня" илма"

2

Мякандо' тэввид'



Сидяңг: Борис Лапсуй' тавы"

Сыра' ямбан' школахана тохолко"махадандо' нота нод" тадри' мякандо' тэваңгуд". Ямална" тиңгывна вымна тиртя нано" тилыд". Тикыд саць тарана манзаям' минре", вы' тер" ню небянато', нисянато' ядан' тэврамби".

Няхар" яля' ямбан' Роман' Марюй' хардахана илена хаданда ня тиртя нано' нямдолаван' хусувэй хубтахана' сюрберҥаха'. Тарць" ямбхана нудиди' ни" терсю", нянети' пад", нани" яёлоди' тодо" нуда"манати' тяръядинзь. Роман си"ив по' Тасу' явхы Нэдя' школахана тохолкуро"махаданда мякандаятна. Тедари' нарэй синё сита мале сян яля ни нэдара́мбю". Нопой вынд' нэдалёда" нида няндод' тотрев' нани' тарем' ядэрҥа". Яля' ямбан' таняна нямдэ"махадандо' нэвто' нибкала самляңг час' пиркана нани' пырдари' хадандо' мят' яда хэсеты". Пэвсюмя' няна нумда и" маңгывна синёсялворҥа. Хубта-

хана тохолкованзь миндядарев' тиртя нано' няю' маймба яда". Хардахана синесябата нод" техэ яханандо' нарэй сыра, нум' ноб" то"олсаңэ хэвэхэ". Я ни нэдию", нум' ни нэдию". Синёхона тиртя нано" нэдалёрць нидо' пирас".

Хададо' нютя ню" и савуламба нопой манзеты:

– Мале ватормы тиртя нано ханяхарт' ни хант". Я' сяр' ниня нум' ирихидана" мэбета яңгу, нямгэ' пиракана синёда харта ханда. Навна маня" школахадана" сидна" ты" нэхэна нэдалё ханласеты". Ханяңэхэна сидя сян' яля' нэдалёсетыва", нумда вэва нэб", хадумбата тамна я' поңгана сеңгасетыва". Тедахав' хубтахана еся хан' мю'



нэдалёгун, пуна мале мяканд нултаңгур. Няна саванё, тецьдахад ехэран, нин санеңгу", ханя тэри сава, ноб", сидя яляхав нэтенавы нэява. Хоян', мякандан тарем' нод" тэваңгуда".

Ты" ниць иры' пудана яля' нэсонд' Ямална" тиңгывна няхар" ёнар" сидя юр" нэцекем' вы' мякандо' тэвраңгу". Сямянхат нерденаңэ Ямальской районхана тохолкода" хоян' тэврамба пяць. Тасу' яв' вынд' сиднет юр" нэцекем' мякандо' тэвраңгу", Пуrowsкой районхана – юр" тохолкодам' небянато', нисянато' хэван' хаеңгу". Пэ' хоё" ня' – няхар" юр" нэцекем' яхандо'

тэвраңгу", Муравленко' няна самляңг ю" тохолкодадо', тикыдо' нани' тюку" ялэ" пиркана яхандо' пэңгудо'. Маңгты" ирыхына хасаваю" по" тохолковы" мякандо' тэволаңгу". Харад' ядхана илена" нюдо' харто' хосаясетыдо'.

Роман мале хойхад хаданда хардан' вадамда телефонувна мэ"надась. Ма"нисяв, хуняна малкованзь ханта. Икча вэнекода сита тиртя нано' ядхана ядабтавысь. Малкось' хабтедамда харта тыта поңгад тэраңгу. Икчанда ня' теда' тюку яляхад тыти' помна янамбовна нэдалёрць пэңгуху".

Марина Ярой' падвы

Ту нано" нэдалёрць пэңгуд"

Тадри' Ямал' тиңгывна ту нанохо"на нэдалёртава". Сямянхат нердена Шурышкарской район' ня' пэңгуда. Сехэрыто' мир интернет' мутравна салдамбаңгудо'. Ту нано" нултаңгавахана нани' тэмдорць пиртадо'



2 стр. ҥа

Сидяңг: Марина Ярой' тадтавы

Ныхыдо' нэка

Ямалхана ныхыдырма' сер" нерняри' миҥа. Сававна мимада нэка ненеңяңгад пере. Сямянхат тю"уд табекода федерация' ватовна пирдырми Россия' ханярина нэдимдемби". Тарця серт' нацекем' нани' тохоломбидо'.



Сидяңг: sportivnaya_shkola_lider_нд ханавы

3 стр. ҥа

Нипы" дэдя

Чилта" халаку" тоҥа", пома" таңичуң няң шатхальдят. Чейня нипы томахат тасам капи" кайвюча дэдямтуң мэшту". Нельчезей катамайтуң ше-эв' няпымтоң нуп нэлка детан пилештомытуң. Чики дэдяхана каңулонташту", поңкнатуң шана'ко мянальшту".



Тадтама: Андрей Пяк таттамы

6 стр. ҥа



Маня” илма”

Хэвы си”ив яляхана ĳэрм’ терĳэ нямнана” сидя сава юнм’ намдаваць. Округханана” тадри’ илма” сибѐмдембада не-сэймдавы концепциям’ пандамба пяңгу”. Тикым’ Ямална” ĳэвахы ерв Дмитрий Артюхов’ ватовна минредо’. Тарця вадам’ депутатна” ĳэвахана мэна Сергей Ямкин мэ”ĳадась.

Едэй падарто’ ила’ саирм’ лэтрава’, нядаңгова’, тамна ĳани” ĳавэ” нямна ĳэңгу. Яңгамда”махадандо’ едэй няд”махана пандам”махадандо’ концепциява” ханяцей’ мэберта. Тарця” иңудо’ ĳэрм’ тер’ серо тидхалембада” ервона” мюсерта”, нядэна” ненэцие” помна ĳэдалѐро”махадандо’ ховыдо’. Ерв” ĳобт’ тэв”махадандо’ ĳарка”я тарана няд”ма’ падарĳэ серта тасламбидо’.

Ѓэрм’ тер” серо тидхалембада департаментхана манзарана” хэвы похона ханзер” ĳэрм’ тер” е”эмня таславы” еся сад”мамдо’ ваде”ĳаць. Небо’ 5,5 ёнар” мюсерта” мяд’ тер” илаңганандо’ тарана” ĳавэ, еся” няд”ми ня”мармы”. Няндо’ 3,3 ёнар” мяд’ нум’, самляңг юр” корм’, керосин’ лампам’, поңга” иням’, ĳани’ тамбир” генераторм’, ёнар” пир” бензинхад мэта ихибцям’ ми”мыць.

Тохолкода” илебей” ненэциена” ĳани’ сававна нядаба пяйдодо’. Е”эмнандо’ хуркари” еся” няд”ми ĳадимдемби”. Сидя юкад вата ĳоб” ĳацекы” сиднтет ю” ёнар” есям’ ня”маць. Поңганандо’ мюсерта” ненэця” ню”



Сидяңг: Марина Ярой’ тадгавы”

ĳокамбойдо’. Тарем’ ĳарка яхана университетха”на тохолкоди нядаби”. Тарця няд”ма’ есядамдо’ небой по’ лимбья’ ирыхына ĳадимдець. Техэ яхандо’ тэввандо’, тохолко мэ”манда ĳамгэдамдо’ тэмдавандо’ няю’ мипидо’.

Лекар” манзая”, тохолкова’ нямна вадидо’ ĳобтики таяць.



Харе” вадина” мэ”мам’, нерня’ минревам’ ĳани’ тензебтедонзь. Тикы няю’ ĳока сава” серо тидхалемби”.

Тарця няд”мидо’ маня” ĳэрм’ терĳэ харе” илна” саирм’ лэтравана”, минревана” няю’ ĳадимдембидо’.

Марина Яр’ падвы

Ненадо” ялэдо’ таславыдо’

Та’ ямбан’ халям’ хадабада” ненэця” таңгм’ ехэраңгу”. Ханярина варемдо’ мэта”. Округна” тиңгывна тадри’ манзаидо’ савуць ненадо’ ялэдо’ мэтава”. Сямьянхат нердена ёртя” ненэцие” яля Пяко” я’ няна ĳэңгу.

Тикы’ нямна районандо’ ĳэвахы” ерв” пидте”мяханато’ мэйравы падарто’ ĳадимдевыць. Сяха’ яханандо’ ненадо” ялэдо’ мэ”мамдо’ мале таславэдонзь.

Маңгты” иры’ сидндетимдей яля’ Харампурхана илена” ĳобт’ тэваңгуд”. Хадутей’ таңоцяңганандо’ ма”лѐда”. Тет яля’ ямбан’ е”эмняндо’ хуркари” илека” сер” таяңгу”.

Тад пуна ĳани” харад’ тер’ хэбидя ялямдо’ мэ”манзь тев’ ёльцяңгана ма”люрта”:

Толькахана – маңгты” иры’ 15 яля,
Ханымейхана – маңгты” иры’ 20 яля,
Сампаркахана – неняңг’ иры’ 4 яля,
«Быстринка» таңоцяңгана – пилю” иры’ 15 яля,
Халясавэйхана – вэба’ иры’ 12 яля.

Ёртя” хасава” харто’ теневабцудо’ ĳадимдембаңгу”: хой ĳанохо”на лабита нидо’ нертембаңгу”, тамна ханзели” ныхыдо’ хорпаңгу”.

Пухуцидо’ помнандо’ ĳани’ пирдырта”, таславандадо’ ĳока ĳэңгу: хибядо’ мерець халямда сыванда, хыраңгуда, ĳавыдота евэйм’ пиреңгу. Ѓацекы” ĳани’ тэри ни” мэңгу”. Ѓобтики сянкурта”, пирдырта”. Сѐётэй”, тарана” нидо’ нито’ е”эмня хынота”, тараңгу”.

Тикы’ хавна хардахато’ лекар’ турта”. Ненэця” хабцяңото’ таявам’, яңговам’ тасла пирта”.

Тарем’ Пяко” я’ няна ненэця” халям’ хадабада нидо’ савута”.

Галина Окогэтто’ падвы

Ту ĳано” ĳэдалѐрць пэңгуд”

Тадри’ Ямал’ тиңгэвна ту ĳанохо”на ĳэдалѐртава”. Сямьянхат нердена Шурышкарской район’ ня’ пяңгуда. Ненэця” мале ĳатена”. Сехэрыто’ мир интернет’ мутравна салдамбаңгудо’. Ту ĳано” нултаңгавахана ĳани’ тэмдорць пиртадо’.

Ты ниць иры’ 28 яля’ Катравож’ няю’ «Фарман Салманов» нубета ту ĳанохона пяңгуда. Маңгты” иры’ нюртей (1) яля’ Саляңгардахад Казым-Мысан’ «Метеор»хана ĳэдалаңгуд”. Сехэрэндод’ ниня ĳэванда” харад’ – Питляр, Горки, Лопхари, таяняна нултаңгаңгу”. Хубтыхы 7.30 часхад 13.10 час’ ёльцянд’ ĳэдалѐда”.

Яр-Саля’ ёльцянд’ ядэр”манда ту ĳано нюртей мэва’ маңгты” иры’ юдимдей (10) яля’ ĳэдалавандаĳэ пады. Ѓахат сер сехэрэда Хо” салявна, Саля’ мал, Панаевск’ нямна ĳэңгу. Пырдары’ ĳани’ тарем’ минда.

Новый Портан’ ненэця” тиртя ĳанорихина тэворта”. Ту ĳано” тая’ сян ни” ядэрт”. Небо’ вэванумгана мале сян мэва’ хубта



яхана ĳэда хардан’ хэсь я”амвэдонзь.

Ѓыд’ тер” нердена ту ĳаномдо’ неняңг’ ирыхына манэтадо’.

Ненэця” «Морошка» картавна тэмдорпато’, билетодо’ хаця

мирцяңгу”.Ту ĳано” ханзер” манзаравы «Северречфлот» сайтхана пады, таянд хусувэй ĳамгэм’ манэць сава.

Галина Ѓокэй’ падвы

Ненэцие" саҥохо"на маниебцу"

Новый Порт' харад' тер не Валентина Око́тэтто' падвы проект «Ямал: взгляд изнутри» я' индадм' нэкалпади» «Газпром нефть»' сертавы конкурсхана нюртей ян' ха"амвы.

Валентина Око́тэтто вадё"ма' ямда сававна теневада, мэнеда, ҥадьбянда пыда тадтавыда ненэцие" саҥохо"на маниебцу". Пыда мале ҥока по" сидяҥг сертаби. Ханяҥы" сидяҥгада Ямал' нямна падвы" книгаха"на ҥа".



Яна" ил' саиро ехэрана хибяри тики" манзаяха" сырпата яна" хурка ҥэвам' сававна манэтада. Тики сава не хусувэй тадтавы сидяҥгада ҥамгэхэв иле"мяком' вадета то"олха: яв' ид' хамба", пидя' мүд няҥгэрта" хойрю", ҥэдалёда" ненэця"...



Сидяҥг": Валентина Око́тэтто' тавы"

Валентина Хосевна – нюрцым ненэць, пыда' вадавнанда манзаяха"ната харта Порт' янда хурка ҥэвам' ненэцяҥг" вадё"ман харва. Сидяҥгаха"ната едэй ил' тидхал", ненэцие" ил', я' илебцу манэ"лабтамби. Ѓэрм янда нямна ҥэда" сидяҥгада я' тиҥгэвна выставкаҥэ, манэ"лабтырҥэ ядэлаван харвэйда.

Сяхари' ненэцие" ил' ед' сертавы" проект" ҥамгэхэв нюдя серкат ҥадиберта" ҥамгэ". Хибяри харта индя' ҥыл' тарця сава серм' таслабта, ҥани' тарем' ненэцяҥг" падвэмда ҥадимде пиртада. Валентина Хосевна сяхаринда харта тадтавы сидяҥгаха"ната ҥани" пареҥоди" явна ҥэдалёрць маня" ҥэрм яна" илм' вадета. Няна" манзай «Няръяна Ѓэрм» газетыхана ҥадимдембҥгуна".

Алла Вануйто' падвы

Я' паранавахад лэтры"

Нарэй нувона" нерняри' миҥа". Яха", то" салабасялма". Пэдари" някуна илена" нина" яндо' сяр' ний мале сэлуй. Ханяҥы яхана мале ҥобкарт сада яҥгу. Ҧадьбята палытана" сидна" ҥани' ява" тухуд сянзъ табедамби".

Ямална" тиҥгивна ты" ниць иры' сидя юдимдей яляхад вэба' иры' 21 яля' ёльцянд' лэтрё тараҥгу. Палытана" ҥахакуд манзайдо' таславыдо'. Саць тосакабтёда" яха"на ҥэда" хардо" няҥы тяхасовна маниеҥгудо'. Я парана пяб", хусувэй ҥамгэдо' тая. Ненадовна харад" хэвхы пэдара лэтамби". Няд"маҥэ нюдякоця" ервседа" тиртя ҥанокочи мэ"ҥа", ҥаха" ҥэдабтамбидо', сэвто' е"эйҥэ мэ"эйдо'. Ҧамгэхэв вэнзер' ҥэдам' манэ"пато', минхандо' нядаҥгованзъ хан"ҥа".

Харад' тер" ненэцие пэдараҥ, вынд' ядэрпато' ҥули" лэтрё табедамбидо'. Ва давнандо', ту харта ивнанда вуни ҥадибер". Мядырмахана хаёвы" табор", пэ" тахара"махарт" маям' тэвра пирҥа". Неноховавна сэлмы я' еркана сертавы ту сямянхат тосакабты.

Сяхари' ханярина парана ям' манэп", 8-800-100-94-00 телефонувна юнм' ҥэдабта тара. 112 номерм' мэць ҥани' сава.

Галина Око́тэтто' падвы

Ныхыдо' ҥока

Ямалхана нихыдырма' сер" нерняри' миҥа. Сававна мимада ҥока ненэцяҥгад пере. Сямянхат тю"уд табекода федерация' ватовна пирдырми Россия' ханярина ҥадимдемби". Тарця серт' ҥацеки ҥани' тохоламбидо'.

Маня" яна" тер" нюдя ҥэдахандо' нихыдырмам' тяхасовна торомдамбидо'. Яҥга сиддо' тидхалембада" ненэциедо' таяҥ. Тарем' Яр-Саля' хардахана нихыдырти тохоламбадаҥэ Артём Ного няби Сергей Рябов тараҥаха'. Пыди' манзаямди' инди' ватовна тид" минреди'. Ныхыдырць тохоламбадиди' хуркари" пирдырмаха" ҥэдарамамбиди', ядэлэйди'.

Ты" ниць иры' 12 яляхана Саляҥгардан' Артём Ного ҥаркамбой ҥацеки тэвравысь. Сидя яля' пир" нылана"махадандо' Башкортостан Республикан' ҥэдалэйдаць. Ханяҥы" сёбарда сяхаҥгарт' таҥгун явна яландо'

ядэро"мадо', мерета тиртя ҥанохона тир"мадо' яҥгувысь. Нюртей мэва' тарем' хубта, ехэрана ян', Уфа хардан' пирдырманзъ тэвавыдаць.

Таяҥ Россия' тиҥгивна илена" ма"лёвчы. Тюку ҥобт' ма"лёвадо'

ҥули" ненадо. Россия' тер" сёбар" серо тасламбада министерство' хусувэй по' пэрта сер"ҥэ толы. Сидто' пир" нито' помна 12-17 пота" не ҥацеки", хасава ҥацеки", хасава", не" пирдырмыць.

Ямальской районхад ядэрмы"



Сидяҥг": sportivnaya shkola lider nyad ханавы

нина" ёльце варемдо' мэ"мыць. Ҧудандо' терҥэ медаль тэвравыць. Езынги Витольда, Салиндер Константин, Худи Артём солотэй ненадумда"ми ня"мавыць. Парангуй Ева няби Вануйто Анатолий ненэй ненадумда"ми ня"мавэхэнзъ. Шарифмуродов Александр няби Сэротэтто Савелий няхаромдэй ян' ха"амвэхэнзъ. Сиддо' тидхалембададо' Ного Артём' нюртей ян' ха"амвыць. Ныхыдырмандо' мальҥгана саҥговодо' сидто' пир", по"омнато' сидто' ҥар" няхато' еребермыць.

Нюртей ядэрмадо' ябдавы. Пирдырмандо' мальҥгана нидо' нядабавыдо', нерняку' тёрхана, вадахана пэрмыдо'. Сэнзито' мюня няркнапто' ҥод" сёбарна" сававна хамеко"мамдо', мэбе"мамдо' ҥадимдевы". Ҧанихи"на пыдо' тамна ва"лёярка", торомбэрка" ҥэҥгу". Теда' ненадумда"ми ня"мавадо' сиддо' тяхари' минреҥгу.

Анна Яптик' падвы

«Няръяна Цэрм», недарма

Электростанция нгарма

Камравож поселкахи электростанция ныхыда 63 киловау пирувна нгарма. Тикы халям ханедам хадабади' поселка. Аксарковской халязавод тикы электростанциян юр' юно ныхым ныхота двигателым ми'нгась. Тикы нерня сидя двигатель мотор манзарангаханзь, пыди' ныхыди' поселка ту яля няюв нись товар'.

Теда поселка электро ту ингы сер' савума. Теда нгани мотор' манзаранан нгоб, моторм хунари сулорць пирты'. Тиканда теда поселкахи электростанция сававна манзара.

Сававна мирмам минре'

Тюку по «Пуровской» совхозхана манзарана' ненэця' едэй баням, сидя харад мядм миць, тикиси дя мяд терм нялэлана'. Тамна тикы хавна миртя' ненэця' сидя янгорэй нгэда харад мядм миць. Нгокханда 8 мяд тер ненэць едэй квартираах' тю'. Теда тамна нгоб' сидя янгорэй нгэда харад мядм мимбава манзая минга, тикана 12 мяд тер ненэць иленггу'.

Кузнецов Н. минрена миртя бригада восьмилетней школа харад мядм мимбавам мале ноябрь ирыхына маледась. Тикы пуна мале декабрь ирыхына тюкон 250 нгацекв' вуюць. Ти, совхоз миртя' Самбург поселкам мер нгорамдамбидо'.

ТАЗОВСКОЙ НЕНЭЦИЕ' САВА МАНЗАЯ

Тазовской халязаводахана халям хадабада' ненэця' сыра ельцянггана Тазу яв нявхана салаба нгыламна халям хадаби'. Тамальнггана Двух чумов бухтахана халям хадаби', Хальмер'Яха няна халям хадаби'. Тюкона тамна тикы хавна нгани нюдямбой яха тания. Тюкона халям хадабада пайхам, палкурм, тамна нгокари халя тэнзм сававна хадаби'.

Тюку сыра Тазовской районхы ненэця' салаба нгыламна халям хадабавам саць сававна пядонзь. Халя нгока нгэва пангом таросипой нидонзь нгэдара'. Салаба ханиво'махад халям хадабада' бригада' минхандо' халям хадаба пэйдаць. Манзаямдо' сававна минревандо' нид, манзаяндо' таслир' савангэва нид пыдо' сава серк' тэвыдаць. Халям хадабада' ненэця' кварталхы планамдо' сидя янгорэй ваць томдадонзь.

Ненэсямбой, тюку по халям хадабава сер' сававна мингаць. Манзаяндо' сававна мима тамна нгани серев нга, манэкарт, халям хадабада' звено' тюку по нгарамдавы', хусувэй звенохона 10—12 ненэць. Тикы нерна халям хадабада' нгоболад халям хадабиць, звенохо'на сянямбой ненэць нгэсыты. Нгокан-

гэ нгобкана манзарава нгарка таром сертаби. Пыдо' сававна манзарани' манзарабцом манзая няюв тароламби', манзарабцодо' сававна минга.

Нердена кварталхана нгока халям хадамандо' нид кварталхы, похы планамдо' сававна томда пиртадо'.

Тазовской районхы ненэця' сыра ельцянггана халям хадабавамдо' саць сававна минредо'. Пыдо' Тазу яв нявхана халям хадабавамдо' хавна, хой ний тохот, яси' мюд нгобтарем нгокавна халям хадаби'. Тикы планм томдава няюв нгарка таром сертаби.

Ненэцие' понггана сямянхат сававна халям хадабада' ненэця' тания'. Тикы Лапсуй Михаил, Тогой Олекучи, Дунгад Ханзи минрена' звено'. Тикы звенохы ненэця' хунариндо' халям нгокавна хадаби'. Пыдо' ёнаркад вата центнер халэ хадаць. Пыдо' няндо' таславы' планамдо' саць сававна томдэйдо'.

Халяхад нгаварм сертабава нямна Тазовской район нгобтарем сававна манзара. Пыда халяхад нгока нгаварм сертаби. Пыда похы планамда сававна томдадась. Пыда ненэцянг' няхар' ёнар' центнер нгаварм ми'нгась.

1931 НАРЪЯНА ЦЭ

1949 НАРЪЯНА ЦЭРМ КРАСНЫЙ СЕВЕР

1972 НАРЪЯНА ЦЭРМ

1987 НАРЪЯНА ЦЭРМ

1991 НАРЪЯНА ЦЭРМ

1997 НАРЪЯНА ЦЭРМ

2012 НАРЪЯНА ЦЭРМ

2020 НАРЪЯНА ЦЭРМ

Яптик-Саля няна

Новопортовской халязаводахы ненэця' тюку мэта пона' няюв нгахана манзара пэйдаць. Пыдо' мале похона халям хадабава планамдо' мале хэвы по декабрь ирыхына ельцянда нерня ваць томдадонзь. Теда халям хадабада' ненэця' Яптик-Саля хэвхана салаба нгыламна сэмрим хадаба манзара'. Пыдо' едэй по ялям тюкона, салаба ниня ядабтадонзь.

Пыдо' маня' округханана' план мер томдава еэмня сямянхат нерде социалистической пирдырмам минре пяць. Теда нувота нгаркавна тецяб' нгод халям хадабава манзаямдо' сававна минредо'.

Манзая нямна хамэдана яхана, тюкона сававна манзарана' бригада' тания'. Тикы Зайцев Рудольф, Гуцу Иван, Яптик Хайва бригада'.

Тикы' ненэця' теда варемдо' мэць хане'.

Тамна тикы хавна халям хадабада' ненэця' сямян ханебцянггана халям хадаби'. Тюку товвы едэй пятилетка нябимдей пом сава манзаяхана ядабтадонзь, пыдо' едэй по няюв мале хэвы похона манзара пэйдаць.

Тикы тарця нгэб' нгод, тюкона ниня товорта сер' тания'. Тюкона халям хадабава мале нгыхы хэвы' похона пэяць. Тикы тарця нгэб' нгод тюкона, Яптик-Саляхана ненэцие' помна тэмдорма манзая вэавна минга.

Тюкона тэмдормам савумдава нямна окррыболовпотребсоюз ни няркна. Нерампэртянгэ тарана Джанахай Ю. Тамна тикы хавна почта нгобтарем вэавна манзара.

Нгока ханедам вада'

«Ярсалинской» совхоз носи вадабада ферма 1971 похона социалистической обязательств' ня'мась. Хусувэй ятя сенгг поход 8,7 нохо нюмвадавнзь ваторась, государстван 250 ёнар еся мир' ханедам ми'манзь ваторась. План нямна тасламба тикы' нгарка' обязательств'.

Носи вадабада' ненэця' ня'мавы' социалистической обязательствидо' сававна томдэйдонзь. Пыдо' нгока нохо нюм вадаць, носито' ню мал иле лэтрэйдонзь.

Носи' вадабада' тароси' ниць манзара', пыдо' сававна манзаравандо' нид по сусхана государстван 4200 нохо хобам ми'нгаць. Теда пыдо' тованда похона носи вадава няюв варемдо' мэць хамекурнга'.



Тюку сидянгахана: СССР Верховной Совет депутатнгэ таравы, нерде таравы Нярый Николай Тимофеевич, няби теда СССР Верховной Совет депутатнгэ тарана Лапандер Тымни' Яптикович, манзая нямна нгэда падро мансарнгахана', едэй намдавы' сероди' няхати ваде'нгахана'. В. Рочев сертавы сидянгг.

Нгокавна халям хадаби'

Мужевской совхоз халям хадабада' ненэця' Сыня, Войкар яха мюня салаба нгыламна халям саць сававна хадаби'. Тюкона итя хабэй нинга'. 1972 по февраль иры юдимдей яля нгэсонд пыдо' мале государстван 310 центнер тэнзада сава халям ми'нгаць. Тиканда тарем хамэдана яхана пыдо' кварталхы планамдо' 10 процент пирувна ваць томдадо'.

Васяховской отделенияхана халям хадабада' ненэця' халям хадабавам нгобтарем сававна минредо'.

Пыдо' салаба нгыламна нямзахэхэна Войкары яха малхана халям хадаби'. Нензелов мале нюнда няна 30 центнер халям ми'нгаханзь.

Нгавнандо' саюухана таравы' ненэця' Армия яля нерад нгобтарем халям сававна хадаби', пыдо' Армия ялям сава манзаяхана ядабтадонзь. Войкары яха малхана Ребась Роман 12 центнер миретах халям хадась. Теда тюку' яляхана ненэця' халям хадабавамдо' тамна ханяцей сахамламбидо'.

(Маня' паднанавана).

1972 похона падвы'

Мято' салабаңэ ханимы

Сёяха' выңгана һопой мяд' тер" хардан' ха"мормандо' мальгана ненэй мято' һарханда салабаңэ ханимы. Я' һылад һадимы икана саволаравы' то"олха. Тиканда нид тамна седеларавы. Ва"авто' тер" мал' салабаңэ хэвы". Ѓобкарт хасуй, мэ"ма' пир" һамгэри нивы хаю".

Юне тэволанаха" мяд' ерв хасава Янис Окоэтто тарем' лаханась: «Теда' мяма" тырабтава' пирхарт ни һа". Едэй мядм' серта тараңгу. Мьяна" нусь яхана я лекавы то"олха. Таянд ид һадимы һэрха».

Михаил Окоэтто' вадавна, самляңг по' тяхана Вануйто Михаил' мяд һани' тарем' салабаңэ ханимысь. Тамна сидя по' тяхана Пырико Окоэтто, Владислав Окоэтто һобтики тарця маянд' еремэхэнзь.

Ненэця" няд"мадамдо' пюрць районандо' серо ня"амбада" ервха" лаханавы". Маси" сиддо' нядабцу".

Учёной" тарця серм' һани' тасламбаңгудо'. Я' һылы ид хурка һэвам' манэта". Тикы' е"эмня хусувэй һамгэм' пада тараңгу: маянд' еремы" мяд" мядырми ханяна һэвам', сямбирувна я' сяр' ний лекавам', ита хурка һэвам'.

Галина Окоэтто' падвы

Пон' тенеңгудо'

Нядэй я' тер" нина" мэкад сянакубцан', «Поле чудес» ан' еремыць. Сянаковамдо' телевизор' сер' манэ"һаваць. Хусувэхэт вадетидо' яңга", һамгэхэв' хэбидя яля' ед' лахана пэрһа".

Теда' лахарёдо' мяд' тер" нямна һась. Нядаңгарад' тер Анна Кукушкина няхар" не нюнда ня таян' тэвормыць.

– Мань илебей" ненэцие" мэлва мякана һацеке тохоламбидм'. Манзара нята" няха"ни, мя"ни терха" һарка вадам' һэдарамамбидм'. Хадами тюку программан' сырмам' һули" харвабтасетыда. Вэсакоми һысма, пыда тэнзанда имбытадм' һуданд терһэ тэврадамзь. Серхарт, нянанд һули" минда, – тарця вади Якубович Леонид Аркадьевичан' мэ"һась.

Пуна иримдо' емб"махадандо' пензеро ня"маць. Һарка не нюда Тамарада ненэй вадавна сём' ханась. Няданда нюдякомбой не һацеке няхаюда һани' хэвхананда мэһаханзь. Интернет' мутравна паднавандо' мальгана тюку ядэро"мамдо' пон' теневандаңэ ваде"һадонзь. Ма"нисям", мяканана" няха"на" ваде"мандава" һока һэңгу.

Ненэцяңгав" Россия' тодо" хардахат товыць. Ханяңы" нюдяко" хардахартахат һаць.



Сидяңг: kukushkinu_padyu_nyd_xanavy

Сё мэта" – сё мэ"һаць, тарана" – тараць. Тольхавадо' мякатато' тэвравы" мядонзэйха"нато' панась. Пыдо' һоб" пуд барабанм' сюрелець, хось тарана вадам' хобцокодрев' шюрһаць.

Няби сянако ня"мы няхаюда Ярославль' няби Уфа' няд һаханзь. Харто' яндо' тер"

һавар, ембдяро һуда' терһэ сянаковамдо' минренахандо' ми"һаць. Мал мято' терха", манзара нята" няхато' сава вади һэдарамамбидь. Харе" ням' тарем' лакри' телевизорувна манэ"ма сяхаринда нюрцям'.

Анна Яптик' падвы

«Хада»' иле"мям' манэ"һаваць

Тёняңы нина" ил' ↩

Няръяна Маркана «Илебц» нубета ненэцие" театр едэй спектакльм' манэ"лабтась. Яна" тер" ДК «Арктика» нюдя' лохохона ма"льць. Тюку мэвахана Нина Валейской', падтаңгода няна" падвэвна иле"мям' сертавыць.

Спектаклян' товы" лэркабт' ваеравы" 1950-60 похо" еремыць. Невхы Няръяна март' тэввыдаць. Сырта" Ксения Валейской' маркы илесь лохона ма"льць.

– Ама, тюкона пыдари' Нинанд ня' илеңгуди. Хардава" Печора яха' вархана һа, порт хахаи. Иле лохова" нюдякоця һэбга һод", сомбой, – небянда Ксения лахана. – Мань тохолковами ёльцеб"ни тара, пуна ханяна манзаравахадани ехэрадм'.

– Мань илева' ямбан' хойхана мюсерһадамзь, теда' маркана иленаңэ хаядм', – янамбоковна Иринея хада лахана.

– Ама, тюкона хой ни һа", һани' сава хибяри" иле". Хэвханана", тайкуй лохохона луца" мяд' тер" иле". Енадм', пыдара" нида" торумдаңгуда"...

Тарця' вади" хэт"махаданда Ксения тоходанаванзь Ленин-

градан' һэдалэй". Маркы мякнанда Нина не нюда хаданда ня' хаихи'. Спектакльхана сянаковы" – Ксения не нюнда не ню, Нина (Ева Лочехина), Иринея хада (Надежда Талеева) – нюртей һадимзь сеян' мэевна тебһаха'. Нюртей, я"авлада, мерета некоця, һацеке һэвада һади. Нябиюм' – хада, ва"лэй, иланд' мэевна сырта, илам' теневана не. Пыди', сидяңэ һоб" то"олсаха', хуркари" серк"



Сидяңг: Марина Ярой' тадтавы

ереберпати', ниhi' выдараңг", ханярид сававна тарпорһаха'.

Хойһад март' товы некоця' илаңгана хуркари" ехэрана" сер" һокамданасеты". Һоб" пиркана едэй паской тоемям' ид' вархана халтамбихинзь. Тикамда тырабтаванзь тибей харад' ни' иладинзь, хардахананди' лата һолепятабихинзь...

Театрхана сянакода" мал' пэдаваць, спектакльмдо' сававна минредонзь. Тикахана сянаковы"

– Ксения – не ню (Наталья Канюкова), нянда хасава ню Саньча – Александр Терлецкий, хэвхы мякана илена – Василий Корепанов, тамна һани" сянакода" нядаңгуць. Сырманзь товы" тарцям' мание маймбидь, письһаць. Һэсыхыд март' илеванзь това нензел" ни һа". Хардахана иле лохоком' хамадамбава, мяканандо' хойһад товы" мядонди ядабтамбава, тамна һани тарана сер" – тарем' ненэциена" ехэрана илам' торомдамбидь. Һобкана ныланавандо' ёльцяңгана Николай Епифановской аккординсавэй" тованда сер', сырмы" хибяри" янамбовна һобкана сём' ханаць.

Сянаковы" нина" невхы" похо"на маркана илевам' няна" манэ"лабтаць. Ненэся һод" тамальгана ил' тарцясь. Спектакль ваера"махад ненэця" тамна пон' лаханакурһаць, артистха' ихид минда" вадидо' хэтыбидь. Хусувэдо' ихинанда һопой яляң' һэб"нанда һод" невхы март' ереман' харвась...

Һарка вадам' «Илебц» манзаям' нерня' минрена" нина" намдаць.

Юлия Талеева' падвы



Нипы" дядя



Чилта" халаку" тоңа", пома" таңичуң няң шатхальдят. Чейня нипы томахат тасам капи" кайвюча дядямтуң мэшгу". Нельчезй катамайтуң шеёв няпымтоң нуп һадка детан пидештомытуң. Чики дядяхана каңулонташту", поңкнатуң шана'ко мянадышту".

Шиниңкуй нидинатуң дилм, культурам' Пюд дяханана дидина" тасам капи" хомана дэтымшитуң. Талям чейня Талкахана чилта" халаку" дет һайта дядям шедташту". Чуки похона капиди" кайвюча дядян һука тэмс неша" тоңаш". ЦНКхана мансланна" нипы" дядян дельше хомана һанатамэт. Вильта концерт шедтаңаш", кулкади" кынсу мэңаш", талаңаш".

Капиди" обряд" һычимчеңаш", виҗкат панчота кычам һамтаңаш", чилта" халакууди" вичалмаң мэты.



Тум тавстаңаш", шеёв няпың һамсам пидиңаш", няпың дюдкна тун каңулонташ". Детхат няпың выдим четңаш, тай"ня кычан мэхадяш куй'ку һыл һамтаңатоньш. Выдинтуң пелям кычаха четхадяш таньяңу томы" нешай" та'амна мичидпитоньш. Капиди" кайвюча дядяхана таньяңу томы" неша" шиниңкуй каңулонтма шеду" шед куй'кон дяднасай видяуди" шалңаш". Вяптуң тадя һаймя мэт, дилтуң тат нельняң хома һаймя мэт, таньше понантуң капи", неша" каңулонташтомай". Центрхана мансланна" шанат тэмс нешай ватамана кынсу" мэңаш", талаңаш".

Чикиң камна һашки" поңкнатуң мяналмаң мэты" кулкади" шана'ку" шедтаңаш". Һашкиуде" майпёш шана'куш. Һынхана дятольш тохотаңаш", ваттахана кади" нямалпёшь шана'коңаш", вядкудольш ты" нямтхи" дюсни"



Таттама: Андрей Пяк таттамы

нятпиш". Нипы" дядям мэмантуң нельня капиди һухуку" шедтапё мянадыш". Кулкади" һухуку" шедтамай.

Таньше мянадыш нэхэдмы" тотуң мячисы" нямңаш". Тасам

капиди" кайвюча дядям шанат тэмс неша" хома шоньшахана мэңатоньш, нипы" дядян томы" хомана ныптакуш". Тальша шиниңкуй шедо һалтана" һашки" чедимямаң мэт һычимчешту".

Нешаңкна" дюничадыш



Таттама: Андрей Пяк таттамы

Һамыди нешиң нянта куше дидимам нянанта дёдимяшо', дюничадыш намтнағата. Талям Пюд дьяна һадка ведв Кирил Михайлович Трапезников маңктата нешай" мятумана дятдыш.

Ханьмей' няңи выңкна дидина" Пяк ведкдата нешай" мякна мячидёдыш.

Таньяна дидина" неша" калитаңа", кальтуң тытуң падиля". Районна ведвы нешаңкна" дёдимяшуңаш. Дилтуң нямна дюничадыш куше дидимамтуң намтпишь. Неша" куше дидимамтуң вачаңаш", һамы" таславта шедутуң тадыңйям кэтңаш".

Чикиң камна дилишатуң дянтуң нямна һайта вачитун вачаңаш", выңкна дидина" нешаңк мичидпёта" һамыку"

деэмня мунуңаш". Неша" маньшту", чики һамыку" камна халаку" пичипёшь мэта тада. Таңичохона апы" дятындыштут. Каса нетуң тытуң падицтан, куна калитанан, ни", һашкиуди мякна кальтуң кадёшту". Халакуң мяту" няң топ, куше кальтоң кутңатуң. Талям халаку" пичипёшь мэта һамыку һадкамана тада. Пюд дьяна һадка ведвхана нешай мяту" нямна, маня" неша" нена" һупчики дятдыш". Выңкна мансланна" нешади" няңтуң мэмы" ваче" патдытоньш, тат нельняң һокна тасламантуң мэт.

Чуки дилхана дилма пу" тахана һиндимшту, кулкади" дety шед" һычимшту", талям таньше нешаңкна дилтуң нямна дюничадыш хома.

Туңгосо" илам' манэ"лабтась

Яра ирыхына Огдо Аксенова Ензя' тунгусо" паднана' соя"ма' ялям' ядабтамбива". Евдокия Егоровна хасава юр поданда хандась.



Огдо харта вадавнанда сё мэцеты, падвыда ваде-цеты, лаханако манэ"лабтамбасеты. Неноховавна барганм' мэць тенеvasь, харта музыкам' намдрамбасеты.



Сидянт: инпретнет яд нэкалмы

Пыда маня" яна" тер, Россия' латдан' юнда ядэрта ненэць'. Туңгосо" тэнзм' мэ"жа. Падна-ванда хавна тамна этнографнэ таравы, Ензя' туңгусо" алфавитм' њадимдевы. Пили" нердена букварьм' њани" нида няд"мяць падвэдаcь. Хуркари" поэма, невхы лахарё, лаханако, сё ма"ламбавысь. Ня"мы нита ваде"мы" илека" серо падарт' тэврамбавыда.

Нисяюда, небяюда илеванди' ямбан' тэхэнати' вымна мюсертаху' њэвэхэ'. Станок Баганида нюбета я' няна не нюди', Огдо соявы. Теда' тикы станок њомарида яда хаёвысь. Ензя' я" падаркана њобтарем' ханяхартана ни паду". Евдокия Егоровна' лахарёхона нисядатавысо" ня' њобнзер' мюсермы", ханесятвы". Евдокия Волочанка хардакохона школам' ёльцевы. Самлянзимдей классхана стих падыба пывысь. Тикыда школандо' стенгазетан' мипвыда, интернатхана иле нята нида, хардандо' тер" толабавыдо'. Ситя тохоламбадида Огдо' падыбавы њули" саву"мыдо'.

Пыда тамна сидя по' ямбан' хаңгурманда е"эмня Норильской школахана паднавись.

Школам' ёльце"мяхаданда Хатангской район' ня' хэвы, Няръяна мякна манзаравы. Тикыта поңгана ханяримна њэдалёрцеты. Ыарка ненэцяңгат хуркари" туңгусо" лаханако падарт' падыбавы. Неноховавна падарм' ехэрана нида луца вадавна лахана, падна тохоламбавы. Тарем' ма"ламбавыда 1969 похона «Заполярная правда» газетан' њэдабтавыдась. Тикыда ненэцие" сёнзи" мю' њули" савовна ха"амвыд". Пуна падвыда газетыхана њадибелвыд". Огдо'



Сидянт: Марина Ярой' галтавы"

вадавна Дьэбгенм' нюбета хададанда невхы" лаханако, вади" хара, сё намдвэда њока њэвы.

Пили" нердена «Бараксан» нюбета книжкамда 1973 похона Няръянанадо' няна њадимдевадо'. Тикада луца", туңгосо" вадавна пады. Хатангахад Дудинка март ямда"махаданда округна" радиохоно харе" вадавнанда лахананаңэ ня"амвэдонзь. Пыда мале та' мальңгана харта ваданда алфавитм', букварьм' њадимдева' нямна ибедормысь. Тарем' варемда мэць нерня са"манда њэсоңгана 1980 похона туңгусо" вада' алфавитм' серта таславэдо'. Тад нерня' тикы пом' туңгусо" паднава' сер" њадиво"маңэ ваде"њадо'. Пуна вадам' тенеvана сидя няхаюда няць, Анна Барболина, Владимир Парфирьев тамна њобанзер' букварьм' падаць. Пили" нердена букварьдо' вэваңэ толаравыць, мале сян яңорэй' серта"махадандо' тидхаледонзь. Тикамдо' сидя по' ямбан' манзаямэдонзь. Тюку ялэ" пиркана хуркари" музей"мана Огдо Аксенова' манзаи лэтрамбидо'. Школахана книгыда њацекы тохоламба мэ"эйдо'. Луца" вадавна, харта вадавнанда падвэда њока.

Теда' тюку ялэ" ямбан' школахана сита тензебтемби". Ензя' музейхана иламда манэ"лабтамбаңгу". Дудинка мар" нюртей школахана њобтарем' выставка миңа. Огдо илеванда мальңгана Дудинкахана хуркари" фестивалъха" ядэрцеты.

Мань Огдо Аксенова' падвы" стихотворений ненэй вадан' падынась. Тохоламбада" њацекыни" вадейдонзь. Тарць" хавна сянхав" иңудота" вада" харам' ненэй вадан' тэврэйнась. Тикыда тарця":

- Иңудота ненэць' хунахарт' ваңын' тэри тарем' ни еремд".
- Ыарка ненэць' табeko" ту' явораха".
- Малe хамбюртам' тю"у' нир илаңгу".
- Хэдляңг тэнядарев' халмарта ненэць' яха' ендлаха.
- Сомбой сял" манзара няд"мар ни ња".
- Манзара сата ненэць' саңонда њылна юсидана сярбартя"мяхартм' ни хаеңгу".
- Тю"уримна пяныта сомбой, сёнзянда мюй' пэвдя пи' то"олха.
- Хой њанохона явм' хунахарт' нир мадаңгу".
- Мядонзь њамыд њаврад" – тикарихина хаюрта", харт мят' хоркадэхоно њамыд – ханзоць ханда".
- Мядонда ненэць' њыл' сава њаврад њабта", тикана хунахарт' нин маңгаңгу".

* * *

Лэсё ненэць'
њудариди ня"амба
Нямюрихинанда манзара.
Вадарихина табекурңа.

* * *

Тецьда хад нумгана,
њудид њаркавна ханимбато',
њудид њоба" нидо' юдаңгу"
Манзаяри юдаңгуда.

* * *

Лимбикако пэңа' ниня
Яля' ямбан' хонёда ненэць'
Џока"я" ханеди хадавамда
Тэри юдэрць маниеда.

* * *

Тэри тарем' њамдэбат",
Илеванд ямбан' њамгэхэртм'
нин тохолаңгу".
Џопой харт сап"нанд, нерня'
сап"нанд,
Сава иланд' тэваңгун".

* * *

Џамгэхэвм' харт пюрп"нанд,
Тикым' тарем' њод" хоңгур.
Мякана тэри њамдэб"нанд,
Ханеда" њыланд ни" тут".

* * *

Сэвсяда ненэць' илеванда
маяндорңа.
Падаркана ехэрана њобтарем'
маяндорңа.
Џадьбьато' манзеты"ма",
ненэця" манзеты"ма",
Школахана паднари"
хурка њамгэм' тохолаңгун".

* * *

Хой њанохона ядэрць,
иде" помна ядэрць,
Халя хомбада њы"нив".
Џопой пыдар я"маңгур
Џолёкоця њанохона,
Явм' няби ня' мада".

Ямал' яна'' юнета паднана

Салехардахана «Наследие»м' нубета толаңгулва хардахана ма"льць. Ненэця" Геннадий Алексеевич Пуйко' – паднана', падтаңгурта', һацеке тохоламбада' ил' нямна лахарём' минрець. Вадам' һабтамбадаңэ таравы – юнета няна" не ню, Ирина Геннадьевна Окоэтто. Товы" няхата нисянда ил', тидхалевы серота, падвыта, падтавыта нямна лаханась.

Геннадий Алексеевич Пуйко 1935 похона, нюдя пэвдей' иры' нюртей яляхана соявы. Нисяда ты пэртя һэвы. Мяканандо' һацекехэт һаркадо' һэвы, тиканда нюдя һэдахаданда һарка нида нядабадаңэ таравы. Хой' няңы" манзаи" тэнз" хусувэй харамдо' теневавы. Сидндет похонанда Ыд хардахана тохолко пэвы". Си"ив классм' мале"махаданда 1953 похона Ленинградхана һэда А.И. Герцен' нювм' нубета институтхана тохолкова' серо" няю' хамекова' курсахана тохолковы. Тарем' школам' мале"махаданда Салехардахана һацеке тохоламуванданэ тохолкурти" училищахана тохолко пэвы". Пуна Ыд' няна һацеке тохоламбадаңэ манзаралмы". Геннадий Алексеевич тикыта ирмня хуркари" серка"на ненэцие" ил' няю' һарка таром' ха"аврамбавы. Ныдинской райкомхана комсомолхана мэвы. Һамгэ' пиркана Яр-Сале' хардахана школахана ненэй вадан', падтаңго һацеке тохоламбавы.



Сидяңи": Анна Яптик' тадтавы"



мэтидо' нубедо' тарця": «Хам-занами», «Няби небяв»... Пыда ненэй вадан' луца вадахад һани' сё падабавы. Тикы" – «Яр-Сале», «Осень», тамна һани".

Толаңгулва' хардан' хуркари" ненэця" товыць. Поңганандо' ирива" теневавы", юрөс" нида, манзара ня"мыда таяць. Һобкана мэ"мы иламдо' тензибтембиць. Ненэйвана Анастасия Тимофеевна лахарём' хаймлаибидась. Геннадий Алексеевич вадёда ня"мы няда һэвы, һопой я' терха'. Хуркари" мэкад" иле"мида ивхалһась. Ненэйвана һацеке һэванда мальгана ханзер" сидта һапрамамда мэкадавна ваде"һась.

«Няръяна Нэर्म» газетыхана паднана Анна Яптик тарця" вади хэтась:

– Геннадий Алексеевич' падвы школахад теневаына". Толабасетына", тохолабасетына". Хусувэй падвы вадада яханда ха"морһа, һамгэхэрт ватада яңгосеты. Падтавэхэта сыраць харе" хой' яхана тэвнархава" һэсетыва".

Та' мальгана ирива" хэвханана" мэнадарев' няна" сыртархась. Ненэцие" минревы лахарё тэри инзелебцорись. Елена Николаевна Окоэтто няби Валентина Нёлёковна Няруй һобтике невхы" иле"миди' ваде"һаханзь. Пуйко вэсако' хаир" – нюнда ню' ню иринда падвы стихотворениям' толась. Лахарёндо' пуд

Тиканда хавна клуб' манзарани" серо тидхалембавы.

1966 похона Екатеринбургхана ненэй вадавна падвы «Нюдякоця нядаңгода» книгада яляң һадимы. Һани няхатата ненадо падвэда – 1982 похона Леонид Васильевич' ед' падвы стихотворенияда «Енедат пуна». Геннадий Алексеевич падыбавыда хуркари" луци" газетахана, журналхана һадибермы". Ханяңы" «Няръяна Нэर्म»хана тамна хомбина". Ханяңы" падвы" стихотворенияда ненэця" сёңэ ханабавыдо'. Сямянхат сёңэ

һобт' ма"лэвы" һобнзер" «Тэталъ Вэталъ» сём' ханаць, сёдо' тэри хайнась.

Ирина Геннадьевна' вадавна, тикы яля' хэвхананда хахая нята" нида мэвы". Товы" ненэцие" поңгана һокаюм' пелядо' нисянда теневавы", һадьбянда лахарёмдо' сававна һабтамбавэдо'. Нисянда паднабцяңгана падвыда тамна таяң", тикыда ваднанда һобт' ма"ла тараңгу". Сававна тидхалемахад һани' едэй книгаңэ ханданакы".

Алла Вануйто' падвы

ОБЪЯВЛЕНИЕ

СВОИХ НЕ БРОСАЕМ
ВСТУПАЙ В РЯДЫ РОССИЙСКОЙ АРМИИ

6 700 000₽ 4 000 000₽

полная информация по телефону
8(902)816-11-90
8(34922)3-98-08
звонки по России бесплатно

ЕДИНОВРЕМЕННАЯ ВЫПЛАТА ЗА ЯМАЛ

Министерство обороны Российской Федерации

Ямалхана СВО' няна сайнорта" ненэцие", мято' тер" е"эмня һадимдевы" няд"ма"



Газета
«Няръяна Нэर्म»

Главный редактор
Яр Марина
Тэтакучевна

Генеральный директор
АНО «Ямал-Медиа»
Зулинова Марья Андреевна

№ 22 Подписано в печать 28.05.2026 г.
Вышла в свет 30.05.2026 г.
По графику: 16.00, фактически: 16.00.

ПОДПИСНЫЕ ИНДЕКСЫ:
на год – ПА701,
на полугодие – ПР562.

Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708).

Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)

Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559

Тираж 3600 экз.

Заказ № 159 тз (тираж 3600 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ,
г. Салехард, мкр. Богдана Кнунянца, д. 1, каб. 106

Фактический адрес: 629007, Ямало-Ненецкий автономный округ,
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
г. Салехард, мкр. Богдана Кнунянца,
д. 1, каб. 106
тел. +7 (349 22) 4-53-32

E-mail: nn@yamal-media.ru